

青春诗会



何 鹤(北京)

北戴河漫步

一

白浪依稀似故人,茫茫天海两难分。
湿身君亦回眸笑,半为涛声半为云。

二

滩头得句与谁听,我正深思月正明。
莫叹经年诗味淡,今宵加点海潮声。

三

后浪闲推前浪行,惊涛拍岸海风轻。
人生足迹怜深浅,一串新痕潮抹平。

岁末偶得

一片归心纵马迟,窗前黄泛柳丝丝。
月从头顶分清韵,人在天涯共此时。
案上红笺诗寂寞,京中游子鬓参差。
西城灯火连天夜,运际阳春浑不知。

涂运桥(湖北·武汉)

长亭怨慢·重访宝通寺

问垂柳、系春何处。古塔斜晖,寿泉微语。绿净楼台,鸟鸣山涧,倩谁驻。廿年如絮,风卷尽、韶华误。只恨枉多情,漫赢得、浮名虚誉。凝伫。怕当初草色,渐掩少时心路。摩崖石刻,越百载、向人犹诉。旧梦里、满寺花开,算惟有、禅林堪渡。任子规声声,难唤天涯孤旅。

曹印宝(河北·景县)

某现象抓拍三首(录一)

小公务员

磁杯刷过更还擦,好为头儿沏早茶。
细辨笛声应近院,阳台故弄水仙花。

定风波·望东海作



权作深蓝胜日游,轻松犁浪过琉球。万里海疆驰巨舰,回看,军国戾气黯然收。小犬隔墙空吠影,安静!那边小丑跳梁头。狼子野心殊可恨,应信,风云谈笑定神州。

赴太原参加颁奖会前作

骚海沉浮竞放歌,蓦然回首等闲过。抚摩挫败未应少,盘点光环却不多。伏案烧灯熨平仄,敲诗投影射星河。半生总为窥佳句,难断青春值几何。

孙忠凯(广东·珠海)

鹧鸪天·诗人之夜

琥珀盈樽对月酬,诗成狂喜胜封侯。律随星火阑珊夜,韵起瓜州古渡头。《如梦令》,《少年游》,今宵谁在《最高楼》。纵无红袖添红烛,燃起心灯照水流。

写春

万里青冥塞上烟,鹅黄偷醒到桥边。春来有信人无信,不敢人前说杜鹃。

朱思丞(江苏·南京)

瘦西湖泛舟

手掬扬州三月雨,眼前西子瘦如风。心随绿水红桥下,一路楼台到梦中。

题句容瓦屋山

登远穷余影伴行,云暝日薄念归程。林深难觅来时路,遥听子规三两声。

徐云峰(浙江·乐清)

唐多令·重游仙人洞

崖下水琤琮,苍山隐逸中。雾正浓、锁住山峰。草木葱茏清露翠,沿古道,影重重。遥望洞姿雄,乐声彻碧空。听箫声、云汉惊鸿。子晋如今何处去,唯梦里,访仙踪!

江城子·步苏东坡韵

凌波飘袂眼迷茫。费思量,却难忘。牵手长堤,淡柳正清凉。花下流连双彩蝶,花簇簇,洁如霜。蛾眉倩影悄离乡。月扶窗,旧时妆。清梦欢娱,醒后赋三行。暮霭沉沉依恋处,秋瑟瑟,遍山冈。

彭 瑛(湖南·湘潭)

杨柳枝

人间四月值花时,袅娜东风拂柳堤。莺燕知春声恰恰,游春约友正相宜。

清平乐·有感

行行暂住,念旧凭栏处。立望关河犹指顾,细数花红千树。枯笺莫道无痕,平心拟寄遥津。冷眼征鸿

北去，羞言误在红尘。

段 彪(浙江·杭州)

赠友

君家山曲住，避俗任萧条。
画里花争艳，诗中韵自豪。
梅心惟在质，鹤友屡相招。
莫道桑榆景，依然意气高。

陈闻娃(江西·景德镇)

宿雁湖林区

日同吟长雁湖行，夜宿林区山气清。
不是学诗眠未稳，为观日出候黎明。
注：雁湖：在浙江省乐清市境内北雁荡山雁湖冈顶。

陈弈星(北京)

林中行

环视青山碧，长风浣绿衣。
垂条扶醉客，日暮不知归。

岸柳

簌簌风前舞，摇摇日影稀。
低眉怜碧玉，鱼伴彩云飞。

夜行千龙湖

夜寂湖凝墨，星辉写意生。
心随天地卷，纵笔看龙行。

题画

日夕山崖闲倚杖，烟云漫卷舞秋凉。
独怜胜境感怀久，共赋清音慰寸肠。

卜算子·霾

重雾夹灰霾，骄盛民无奈。堪叹
天人早两分，本末抛心外。敢问
入云松，何日迎晴霭？万壑清川响碧
岑，户户听千籁。

西湖微雨

丝雨洒孤山，湖天溟若烟。
西冷时隐现，南屿未慵眠。
短棹归思缓，长堤道谊绵。
物华欣入眼，俯仰到心田。

沈利斌(浙江·杭州)

生辰夜有题二首

世事如云看未真，嗟哉三十一年春。
桑弧蓬矢成辜负，吴酒吴歌空醉人。

经年碌碌逐车尘，却向江边寄此身。
孤鹜飞来不相识，一宵明月露珠匀。

环境

有水有塘污且秽，夜来废气岂堪闻。
但期美丽中国梦，时见蓝天飘白云。

